

# 大日本史

氏族志


			一 二 八 七 二	和 書 門
一 五 〇	一 七 三	五 函	號	類
册	架			

庫 文 閣 内			
三 六 九	一 五 〇	一 二 八 七 二	和 書
函	册	號	類
一	一		

内 閣 文 庫	
番 號	和 12872
册 數	150 (101)
函 號	269 26



太政官文庫			
和	書	門	甲
一	四	函	第
十二	册	架	第



日本史卷之二百

志第

氏族一  
 氏族之制所以敘尊卑正人倫而其所從來  
 至深遠矣天祖馭極照臨八表聖子神孫繼  
 繼承承天日之嗣與天地而悠久則光華明

大日本  
 卷之二百

靈之德、雖千萬年猶一日也、當時翼衛輔贊之神、皆列在祀典、陟降左右、執萬靈之禍福、其子孫雖盛衰不一、而有時而大興、纂修前烈、則精神流通、一氣無闕、所以扶植天明、民彝者、實終古而無渝也、故自垂仁允恭諸帝、皆用意人倫、及延曆弘仁朝、校勘萬姓、甄錄三別、皇裔神胤、於是乎大明矣、蓋振古以來、無論公卿將帥之家、下及國郡牧宰、夫孰有非三別之裔者乎、故天下曉然知天皇非地

生之倫、神器嚴重、不可以人於、而覬覦也、尊卑有常、而等威不犯、上下一心、而風俗淳厚、寶祚之隆、與天壤而無窮者、豈非以是故也哉、而今詳覈其本末、則歷世之久、其制不能無沿革也、夫開闢以降、天子無姓、萬世一統、而皇族神胤、或治國縣、或掌品部、天子迺因事命以氏姓、子孫相承、敘其世職、姓之與官無殊也、大化改制、盡廢舊職、新設百官、而官姓始分矣、至天武朝、新作八姓、以定姓族之

尊卑、氏姓之法，於是始變矣。至弘仁、天長以後，則皇族賜姓者，不出乎源、平二氏，非如古者各賜別氏，以敘其族者。其法至此又少變矣。自外戚顯權，而藤原氏播氏，世顯於朝廷。自武人得勢，而源氏、平氏日雄於國郡。四氏族類，竟蕃衍於海內，而當時豪族爭占據，鄉分植子弟，各因其地，以爲家號，不復關朝制。氏姓之法，終大變亂矣。及足利、倍畔、天下鼎沸，士離桑梓，家喪譜牒，其誤認他姓，妄攀

華胄，牽強傳會，以誣其祖者，不可稱計。且以異姓承家，爲一世之俗，法家所禁，概乎不行矣。逆人倫之序，絕天性之道，民風之所以偷薄，世道之所以陵夷，其源皆繇乎此。可勝慨哉。夫明倫而察物，反本以類族，王政之所重焉。有志於復古者，不可置而不論也。今所傳姓氏錄，雖非完本，猶足以考淵源，廼據其書，參諸羣籍，定其可識者，撮要刪煩，序自開國至明德，作氏族志。

天祖立皇孫瓊瓊杵尊為葦原中國之主、詔  
 天兒屋命、天太玉命、天鈿女命、天明玉命、石  
 凝姥命陪從侍衛焉、謂之五部神、又使天押  
 日命、天津久米命統領部兵、以飭戎備、初天  
 窟之變、石凝姥造日像鏡、天明玉造御統玉、  
 天鈿女作舞樂、天太玉備幣物、天兒屋致祈  
 禱、俱翼戴天祖、以定天業、至此亦各帥部屬、  
 以修其職、天兒屋為中臣連祖、天太玉忌部  
 首祖、天鈿女猿女君祖、天明玉玉作連祖、石

凝姥鏡作造祖、而天押日之後、為大伴連、天  
 津久米之後、為久米直、品部官姓之源、始見  
 于此、參取日本書紀、古事記、太祖既定天下、大  
 封功臣、始有國造縣主之號、及垂仁朝、又有  
 縣造、是時物部石作部賜姓曰連、土師部曰  
 臣、鳥取部曰造、氏姓之法、自是而定矣、參取日本書紀、古事記、舊事本紀、姓氏錄、及序、景行帝  
 諸皇子受封者七十餘人、日本書紀於是又有和  
 氣、和氣又作別君、稻置之號、與國造縣主竝立、古

大日本史

卷

志

三

記成務帝更分割國縣、而賜國造者、增至一百四十餘族、日本書紀、舊事本紀、若其品部、歷朝建置甚衆、號為百八十部、諸部之長、命以造姓、謂之伴造、故當時舉內外臣僚、概稱曰臣連、伴造、國造、姓有尊卑、以定品秩、而臣姓出於皇胤、連姓出於神裔者、舉其尊屬、以任國政、號曰大臣、大連、詳見職官志、凡大小諸氏、各以其族相聯屬、分領部曲、世敘姓族、以事朝廷、若部長有罪、或貶其姓、或奪其部曲、以賜有

功者、其命氏賜姓、蓋猶中世建職官也、

參取日本

書紀、古事記、舊事本紀、姓氏錄大意、及允恭帝時、姓族漸蕃、諸

氏往往有偽冒者、帝憂之、四年詔曰、上古之治、人民得所、姓族無愆、頃者諸氏人或誤失己姓、或故認貴族、由是上下相爭、百姓不安、朕雖不明、豈不正其錯、羣卿其宜議定具奏、羣臣咸曰、陛下舉失正枉、甄明氏姓、以求至治、臣等敢不勗諸、又詔曰、羣卿百寮及諸國造、皆言帝皇之胄、天降之胤、然三才剖判、多

歷年所是以一氏蕃衍更為數姓其實難明諸氏人等其亘齋戒沐浴為盟神探湯乃設探湯瓮於味檀丘諭曰真者獲全偽者必害於是衆各就瓮探湯或全或傷果如所諭詐者愕然不肯進氏姓自定爭者始息日本書紀先是垂仁帝以皇子伊登志和氣王無子為置伊都部以為子代古事記○按伊登志日本按伊都部疑當作伊登志也日本書紀有膽年部蓋是也景行帝錄日本武尊之功定武部日本書紀仁德帝以八田皇后無

皇子置矢田部舊事本紀為多遲比瑞齒別皇子置丹治比部為御名代古事記至帝亦為忍坂大中姬皇后定刑部為木梨輕皇子定輕部自是後累世多置子代御名代標代之民若雄略仁賢二帝取其宮名定長谷部石上部清寧武烈二帝以無皇嗣取其御名定白髮部小泊瀨部安間帝為其三妃置小墾田櫻井等屯倉及田部日本書紀餘見本紀諸部率以貴戚名族為伴造蓋當時之俗以傳名號於

後世為榮故伴造既以其部號為氏又分其部民占居國縣亦以名其地而土地部民遂為其私有矣參取日本書紀大意凡歷世之久舊事本紀大意族大姓雖間有盛衰而概皆世官世祿不墜其祖業至推古帝十一年始定冠位十二階日本書紀然特設以分尊卑耳非有加階之制但是後官姓漸分其賜氏姓有不由職制者也參取日本書紀二十八皇太子厩戶與大姓錄大意臣蘇我馬子議撰天皇記國記及臣連伴造

國造百八十部公民等本記及蘇我氏滅其書罹災孝德帝大化元年詔凡人民有所憂訴者其伴造尊長宜先勘當然後奏之若伴造等不審所訴者以其罪罪之又詔歷世天皇定標代之民垂名于後世而其臣連伴造等各置私民恣情驅使或又掠地婪財爭奪不已大為民害諸如此類自後宜禁斷二年詔罷歷世天皇所置子代之民所在屯倉及別和氣也臣連伴造國造村首所領部曲



之民、尋詔、臣連伴造國造、分其品部、爲御名、代部、復以其部民、雜處國縣、遂使父子易姓、兄弟異宗、夫婦更互殊號、一家分裂、爭訟競興、國家因此不治也、自今以後、宜廢品部、悉爲公民、但不識朕意者、或謂假借王名爲伴造、襲據祖名爲臣連者、其名必由是泯滅、然帝王之號、將隨日月遠流、祖宗之名、必共天地長存、且以王名被土地、妄相稱呼、理所宜慎焉、朕今告汝等、凡其臣連伴造、諸氏人等、

自其祖宗、世服事朝廷者、自今以後、將盡革舊職、新敘官位、自是官姓判然、分而爲二矣、三年詔、臣連伴造國造、或以神名王名爲氏、姓、率土之民、各因其色、固執彼此、人心不整、至其拙弱者、以己姓號、妄付人人、以爲賂遺、故有入他奴婢穢汚清名者、自後宜革此弊、日本書紀自國記罹災、諸氏或失根源、強狡者更倍僞說、會船史惠尺得燼、餘本獻之、天智帝、卽位三年、詔就其書造戶籍、人民氏姓、各得

其冝日姓、本氏、錄序、謂之庚午年籍、世世相傳、以爲程式、解令義、蓋以其爲氏姓之根本、過人、氏姦欺也、本續日、先是甲子歲、敕定諸氏、氏、大氏、氏、上賜大刀、小氏、氏、上賜小刀、伴造等氏、上賜干盾、弓矢、及天武帝立、敕族姓不明者、雖有行能、不得預考選、又詔、凡諸氏有氏、上未定者、冝速定、以申送於理官、又其族類最衆者、各分定氏、上申送、以承官判、至十二年、詔始作八等姓、以賜諸氏、一曰真人、二曰朝

臣、三曰宿禰、四曰忌寸、伊美吉、五曰道師、按

蓋藥師、六曰臣、七曰連、八曰稻置、日本書紀、真人

爲皇別之上氏、錄姓、其賜朝臣者、命以大刀、

宿禰、以小刀、忌寸、以賜秦漢蕃族、古語拾遺

書紀、帝時、諸氏皆賜新姓、而是後、其族猶有仍舊姓者、即當時所賜者、蓋不過氏上、若京

貫之、族也、然其詳、帝初欲以八姓、悉改易、天

下、族姓、然有未遑及者、故諸氏猶有君、廢帝

改爲首造、縣主、直村主、史、王吉、按王讀爲捷

玉高麗王、即是也、與勝、祝、伎、使、主、我孫、吉志

皇族稱王氏者、自別、

等姓日本書紀續日且其紋尊卑大率因當

年之勞而不原天降之績神胤舊族尚有

列上等者拾遺語唯其法制大定貴賤分明自

是後臣民有功勞者則陞其姓以尊其族有

罪則或貶或奪有同氏而異姓者有同族而

無姓者其無姓者為雜戶賤隸雜戶賜姓者

為公民又有氏上又曰氏長氏助戶主等法以糾

其族支屬可疑者申官削籍斟酌日本書紀

令天下諸氏每一代各上本系帳以藏于官

日本紀序弘故天下姓族久而不亂矣持統帝

五年敕大三輪雀部石上膳部春日下毛野

大伴紀阿部穗積阿曇等十八氏上其祖先

纂記日本書紀初自上世來諸名族各建祠祭其

祖神謂之氏神合其族類號為氏人念祖之

意太厚及佛法之興更為其祖營寺塔稱曰

氏寺而古俗始變矣參取舊事本紀姓氏錄

天台座主記文武帝大寶制置治部省掌本

姓繼嗣婚姻等事其屬有大小解部掌鞠問

譜第爭訟定其族姓次序凡諸氏無子者聽  
 養四等以上親於昭穆合者民部省掌天下  
 戶口名籍凡戶籍恆留五比遠年者依次除  
 之唯庚午年籍不除解今義凡奴婢自訴為良  
 者復原姓其被放從良者臨時處分解今集二  
 年敕定諸國造之姓又敕甲子以後諸氏賜  
 姓未定氏上者自忌寸以上皆申于官續日  
本紀  
 元明帝和銅七年以若帶日子姓觸成務帝  
 諱改賜國造姓聖武帝天平十七年筑前豐

前肥前日向等七國無姓人等願賜姓者皆  
 聽之孝謙帝天平寶字元年敕頃者百姓不  
 知禮其姓名有犯天皇皇后御名者自後不  
 得更然所司不糾依法科罪頃者以下  
政事要略又令  
 天下避內大臣太政大臣之名於是諸氏首  
 史二姓皆改為毗登或賜以別姓○按毗登  
又作人凡  
 諸氏有人姓者原亦皆首史二姓避聖武帝  
 及藤原不比等也據皇胤紹運錄皇年代略  
 記如是院年代記等書帝諱首其說與政事  
 要略合本紀考證偶不及此故闕而不書今  
 據上諸書則帝諱為尋敕高麗百濟新羅人  
 首無疑因註于此

等歸化已久、情願賜姓者悉聽之、又戶籍注無姓及族字者、於理不穩、宜為改正、○按古書間有

記某氏族某者、意其疏屬未賜姓、帝重祚、神附其本籍、故注族字歟、附以備考、

護景雲二年、敕禁以真人朝臣為名字、光仁

帝立、敕改史首為毗登、彼此難分、氏族混亂、

於事不便、宜更從本字、續日本紀桓武帝延曆四

年制、諸氏觸先帝御諱及御名者、竝皆改易、

是後歷朝皆遵其制、又令并避外戚大臣姓名、

續日本紀、續日本後紀、十一年、敕頃者京職恣改王

姓、輒著籍帳、於事高量、理不當、然自後宜先

注其姓、請官改之、類聚三代格十八年初、自孝謙

聽蕃族賜姓、所請輒許之、於是異族同姓者、

前後相仍、源流不明、賤族妄攀綠華胄、及廢

帝時、其爭倍甚、乃詔聚諸儒、撰氏族志、適會

國難、輟而不作、姓氏錄序至是詔曰、天下臣民、氏

族已蕃、或同源異流、或異宗同姓、譜牒改易、

不辨本支、宜布告天下、進本系帳、漢韓諸蕃

皆同此例、唯載始祖別祖、不列支流、繼嗣若

其源出貴族者、宜取宗中長者、署奏之、凡諸  
 氏族率多假濫、宜務確實、不許詐冒、自是始  
 作姓氏錄、設勘系所、置勘本系使、以掌其事、  
 日本後紀已而撰姓氏目錄、然主當者不辨真偽、  
 恣申新意、加以神胤為上、皇胤為下、尊卑雜  
 亂、莫由取信、識者病之、日本仁私紀序弘平城帝大  
 同四年、敕民間所傳倭漢總歷帝譜圖、以天  
 御中至尊為首祖、而如魯王、吳王、高麗王、漢  
 高祖等、接聯其後、倭漢雜糅、敢污天宗、愚民

不悟、謂為實錄、諸司官人所有、宜悉進于官、  
 若有違令者、寘之重科、日本後紀當時錄氏族者、  
 又有諸民雜姓記、諸蕃雜姓記等書、大概採  
 擇不精、謬誤居多、皆識者所不取云、日本弘私紀  
 序嵯峨帝立、詔中務卿萬多親王、右大臣藤  
 原朝臣園人、參議藤原朝臣緒嗣、陰陽頭阿  
 倍朝臣真勝等、續成姓氏錄、萬多等乃歷探  
 古記舊史、詳覈本系、刪煩正錯、研精十年、上  
 起神武、下迄弘仁、撰定一千一百八十二氏、

分為三體、帝皇之胤、謂之皇別、神祇之胄、謂之神別、漢韓之族、謂之蕃別、其本系不明者、為未定雜姓、以附于後、勒為三十卷、至畿外諸國、未進本系、故闕而不錄、弘仁六年書成、上之、氏族之源、於是始明矣。錄姓氏序先是舍人親王上日本書紀、附帝王系圖一卷、其書今亡、其後系譜之書、有王子枝別記、神別記、神別雜氏記、氏族略記等。釋日本紀、本朝書籍目錄、而今皆亡、佚不可考也、至萬多等之撰、摭摭羣言、削

除塗說、折中刪定、稱為人倫之樞機、國家之

隲括也、

錄姓氏

是後歷朝賜姓名氏、必考於斯

書、其偽冒假托者、得因以是正焉、當時又重

戶籍之法、其改籍貫者、非承官符則不得輒

移、其鄉貫姓族、皆有簿帳、以藏于官、故天下

諸氏、無非賜姓者、而民無姦濫也、

參取續日本後紀、三

代實錄

淳和帝天長元年、式部省言、諸國郡

司進譜圖牒、或經數十年、或隔五六年、是以

世數促者、子孫懷漏脫之憂、改換頻者、官司

有勘會之煩、望請下知諸國、每一紀上進、務  
存核實、不致假濫、從之。類聚三仁明帝承和  
十三年、勘王世所言、王族分居諸國者、未為  
人識、至于對問、以巧說家譜者為真、否則謂  
之偽、無人證引、只據文書、伏恐奸濫之輩、冒  
入宗枝、猷蠢之人、空漏皇胤、望請命所司、若  
有此類、速令言上、更加搜覈、以糾真偽、從之。  
續日本紀先是諸王四世已上、賜姓者甚尠、皇胤  
後紀至桓武帝、皇子母賤者、始賜姓、列人臣  
錄紹運

姓胤紹運錄、皇胤嵯峨帝又賜諸皇子未為親王者

姓源朝臣、出身皆敘六位、類聚隨才任用、省

封戶之費、神皇正統記時明日香親王奏請、除親

王號、下同諸臣、不許復請、諸子得賜姓、見許、

蓋以王族漸衆、費用不給也、是後諸王孫爭

效之、請賜姓者益衆、續日本紀淳和帝賜王孫

高棟、姓平朝臣、桓武平氏系圖平氏始此、至

帝又效弘仁制、賜諸皇子姓源朝臣、皇子賜

源氏、後竟為例、續日本紀神皇正統清和

續日本紀神皇正統清和



帝時以國用匱乏從四位上豐前王等上言  
 停諸王之祿存救弊之計公卿遂奏議減定  
 諸王季祿且立給祿之法以當時預祿者四  
 百二十九人為定員隨闕補之其請賜姓者  
 不在闕限蓋以外戚益盛故其待皇親加疏  
 也三代實錄自白河帝後皇子多為僧而皇族衰  
 減賜姓之制亦廢云中右記初自大化革官姓  
 世職之制及大寶定今而舊法漸廢唯若中  
 臣朝臣忌部宿禰掌神祇大伴宿禰佐伯宿

禰掌衛門高橋朝臣阿曇宿禰掌內膳采女  
 朝臣掌采女水取連掌主水猶有不失舊職  
 者參酌日本書紀古事記今義解其他舊族  
 如猿女鏡作盾作神服麻績等諸神裔屬神  
 祇官者後皆不預考選及平城帝時衰亡殆  
 竭古語拾遺若物部之於刑部土師部之於治部  
 我孫江人之於大膳馬飼造之於左右馬寮  
 酒部之於造酒司爪工部之於造兵司之類  
 世世隸屬號曰品部伴造或稱名負人然又

以族人散亡終至點他姓人以補之今集解

錄迨天長承和以降則繼嗣之法亦往往有

不依今制養異姓為後者也朝野羣載清原

系高階自藤原氏世任攝關大臣而朝廷最貴

譜第門地視姓高下以定品流自公卿以下

至諸司率有世家選敘必依其家先例而他

姓不得復與焉公卿補任職原先是皇族受

姓者必賜朝臣故朝臣遂為上姓真人次之

如狛氏則稱為下姓皇胤紹運錄拾芥鈔其

諸氏支屬任官者嫌其卑姓請改本宗上姓

者甚眾延喜中嘗敕禁之唯任外記史博士

主計主稅助近衛將監者特許改姓以列華

胄類聚符凡朝官如源平藤原菅原大中臣

高階在原宮道諸氏及真人宿禰連公縣主

忌寸首諸姓必敘內階而又有朝外異內之

稱如車持等諸氏雖朝臣亦敘外階謂之朝

外其非朝臣而敘內階如清原真人之類者

謂之異內江家次第然自戚畹之貴也藤原氏門

族極盛榮華藤原系物語橘氏雖早衰而支派猶蕃

衍諸國扶桑略記、東鑑、承久記、作者部類、吉野勝光院文書、太平記、梶川系圖

而如源平二氏則得征伐之權以興其宗昔今

東鑑、源平盛衰記、諸家系圖纂、語故四氏竝

為大族後世稱曰四姓下學集、運步色他氏

莫能及者若氏上之法後無復置之者唯源

橘藤原菅原諸氏猶補氏長者以掌宗人紋

爵奏請之事而源氏則以任辨學院別當者

補長者橘氏則學館院別當為是定至如藤

原氏為攝關者不待宣言必得長者印西宮朝

野羣載、外記、日記、山槐記及橘氏衰則是定亦為藤原氏

所有矣玉海、職原鈔初延曆中禁僧所生子假蔭

出身類聚三其後僧子猶有冒異姓登仕者

宇都宮自世官之制定也他氏子弟干進仕

者必為世家所養冒姓借蔭始得出身自是

後冒異姓者甚眾貴賤皆習以為常姓族漸

亂矣外記、日記、中原系圖、藤原系、狀、及朝政已圖、高階系圖、磯部信貞訴狀

弛而國郡宰吏私占田宅封殖子弟強宗豪

族、蟠據郡鄉、各因居地、以為家號、武門名氏、  
 之濫、自是而始、然當時武人尤重門胄、家藏  
 譜牒、諸家必係本氏、以別其族、又推其嫡宗、  
 謂之總領、以帥宗黨、蓋古氏上戶主之遺法  
 也、故分流雖蕃、而嫡庶本支、其別頗正、氏族  
 之法、猶有存者矣、斟酌源平盛衰記、太平  
 記、東鑑、尊卑分脈大意、自  
 建武後、世歷喪亂、播紳流落四方、武人盛衰  
 不常、譜牒由是多亡、加之武人窮甚者、或沽  
 家譜、而姦民買得、即冒其氏、號稱武人、於是

姓族益亂矣、太平記、保曆間記、鎌倉大  
 草紙、諸家系圖纂文、正記、後小

松帝時、左大臣藤原公定精譜學、著皇胤紹  
 運錄、及尊卑分脈圖若干卷、如其所謂四姓、  
 採錄頗博、後世論系譜者、必考焉、然至古姓  
 舊族、竟不能詳、故古昔三別八姓之裔、多不  
 可考云、參酌皇胤紹運錄、  
 尊卑分脈大意、

皇別

多氏、志紀氏、丹羽氏、雀部氏、紺口氏、園部氏、  
 三家氏、小長谷氏、都祁氏、船木氏、長狹國造、

石城國造阿蘇氏火氏大分氏嶋田氏小子  
部氏縣氏科野國造印波國造伊余國造仲  
國造皆神武皇子神八井耳命之後也

多氏訓皆多諸書或作太又意富意保於保音

音訓亦皆倣此有朝臣姓有宿禰姓有臣姓朝

臣貫于左京本姓氏錄宿禰據三代實錄臣日

為加婆禰上世所謂字遲者概其職名家世

相承為號加婆禰即所以遲別尊卑也宇遲加

遲加婆禰古史以氏姓二字當之然當時多併字

婆禰者與姓字義差異故古書或用尸骨等

字義亦不通但日本書紀諸氏賜真人朝臣

等必書曰賜姓古語拾遺謂中臣齋部等為

氏朝臣宿禰等為姓書法最易見故今從之

其古史併氏骨書氏書姓者亦皆仍原文及

後世播紳皆有家號以別其族而國郡武士

亦倣之各因其居地以為稱號俗謂之名字

稱曰氏族故今亦適宜用其稱然古者氏姓

必受之天子而所謂名字皆出於私稱不可

與古氏相混讀景行帝時有多臣祖武諸木

從西征有功天智帝時有多臣蔣敷其妹嫁  
百濟王子豐壬申之亂美濃安八磨郡湯沐  
令多臣品治從天武帝有功十二年多臣改  
賜朝臣書日本元正帝時從四位下太朝臣安

麻呂為氏長即撰古事記者也續日本紀序平

城帝時有太朝臣入鹿為山陽道觀察使日本

後紀官據仁明帝時右京人內藏大屬百濟

連清繼以誤冒它姓請復本姓多氏敕賜多

朝臣續日本紀清和帝時右京人外從五位下

多臣自然麻呂賜宿禰信濃諏方郡人右近

衛將監金刺舍人負長改賜太朝臣三代實錄後

一條帝時有陸奧權小掾於保宿禰公親除

大成自然麻呂者入鹿四世孫其子孫世為

伶官改賜朝臣多氏系圖樂人補任○按入

禰又賜朝臣堀河帝時有多資忠帝師之受

宮人曲資忠子近方孫好方並有名源平盛

鑑○常陸風土記有大臣族黑坂命伐蝦夷

有功又出雲風土記有大臣為本國出雲郡

少領者並不詳志紀因附于此

然二書此所言大和有宿禰姓有首姓首姓貫

于右京及河內有縣主姓貫于河內和泉氏姓

錄宿禰據仁明帝時有志紀宿禰永成為伯

者介、同時有河内志紀郡人志紀松取、蓋皆

是族也、續日本清和帝時志紀郡人木工助

志紀縣主貞成、同姓鼓吹佐福主、大初位上

福依、竝賜宿禰、隸左京職、三代實錄

尾張丹羽氏、臣姓、古事記聖武帝時、有丹羽臣

真咋、授外從五位下、續日本紀

雀部氏、有造姓、古事記有臣姓、臣姓貫于和泉、

○按東大寺正倉院文書、聖武帝時、有出雲人雀部君千主、君姓不詳、所系、姑附于此、

紺口氏、縣主姓、貫于河内、

園部氏、貫于右京、姓錄光孝帝時、有左衛門

門部園部禪師麻呂、三代實錄或是族也、

筑紫三家氏、○家又連姓、古事記天武帝時、有

筑紫三宅連得許、日本書紀桓武帝時、有筑前那

賀郡人三宅連真繼、類聚國史

小長谷氏、○或作瀨武烈帝嘗置小泊瀨舍人、

日本書紀本氏蓋出於此、有連姓、有造姓、古事記

仁德帝時、有小泊瀨造祖宿禰臣、賜名

賢遺臣、天武帝十一年、小泊瀨造賜連、日本書紀

瀨字據釋又有直姓淳和帝時有小長谷直

淨足及遠江采女小長谷直縵續日本紀或亦同

族也按除目大成鈔堀河帝時有遠江少

都祁氏或作關直姓古事仁德帝時有關

雞稻置大山主允恭帝時關雞國造獲罪皇

后貶姓為稻置日本紀或皆是族也云延喜式

取都下國造氏童女七歲以上者充之座摩

義同姓常親都下即都介據此都介稻置之

後復賜國造姓其裔世為座摩社神主也然

本氏系圖係天津彦根命之後其說

伊勢船木氏直姓古事記又有單稱船木直者

疑是族也稱德帝時有越前員外掾船木直

馬養續日本紀桓武帝時有越前人船木直安麻

呂馬養子也類聚國史醍醐帝時有雅樂小允船

木氏有吏部王記朱雀帝時有右近衛將曹船木

利用小野宮年一條帝時有讚岐掾船木宿

禰種守除目大益後改賜宿禰也

長狹國造

道與石城國造古事記其族有於保磐城臣稱



大日本史 卷之三十三

德帝時、陸奧磐城郡人外正六位上、大部山

際、賜姓於保磐城、臣桓武帝時、有女孀、外從

五位下、於保磐城、臣御炊、續日本紀、○按於保磐城、臣蓋石城

國造之裔、以本宗多氏、神別天津彦根、後亦

有石城國造、舊事與此異族、

阿蘇氏、出自神八井耳子、建磐龍命、阿蘇系圖有

君姓、古事記有國造、建磐龍裔孫速瓶玉命、崇

神帝時、為阿蘇國造、舊事本紀、參取阿蘇系圖、○本書以速瓶玉為

神八井耳孫、然神八井耳、以綏靖帝四年薨、至崇神帝時、殆五百年、即速瓶玉蓋神八井

耳數世、宣化帝時、有阿蘇仍君、○仍字掌河孫也、

內茨田郡屯倉、日本書紀朱雀帝時、有小判事阿

蘇公廣遠、後改宿禰、宿禰、據政事要略、○按拾芥鈔、朝臣部有阿蘇

氏、據此、後又一條、帝時、有右少史阿蘇有鄰、改賜朝臣也、

外記皆其裔也、建磐龍既為明神、列于祀典、

延喜式子孫蕃衍、末流甚滋、其本宗宇治氏世

為阿蘇神社大宮司、稱國造、阿蘇古文書、後

醍醐帝時、宇治惟直、惟澄、勤王有勇功、太平記、鎮

西古文書、編年錄、其族有上嶋、惠良、土田、坂梨、光永、

大日本史 卷之三十三

竹崎子守等

錄西古文書編年錄阿蘇家傳

火氏作肥出自神八井耳之後志貴多奈彦

命舊事本紀有君姓古事記有直姓有無姓者錄姓氏

有國造舊事本紀直姓貫于大和無姓者貫于右

京錄姓氏崇神帝時火國有土蜘蛛打猴者抗

命不服帝乃遣志貴多奈彦子建緒組討之

有功因賜姓火君封為國造舊事本紀引肥後釋日

土記通建緒組作遲男江誤今據釋日日本紀訓欽

明帝時遣火君率兵一千守百濟要地者即

是族也書日本紀聖武帝時有薩摩主帳肥君廣

龍書東大寺正倉院文

大分氏碩田或有君姓古事記有國造舊事本

書云火國造大分國造曰祖今檢前後文無

八井耳後則國造為其同族無此天武帝壬申

功臣有大分君惠尺及稚見日本書紀

嶋田氏貫于右京錄姓氏有朝臣姓實錄有臣

姓神八井耳五世孫仲臣子上成務帝時討

尾張嶋田縣惡神平之因賜號嶋田臣錄姓氏

嵯峨帝時由臣清田賜朝臣實錄後為少

外記類聚符清和帝時有少外記嶋田朝臣

忠臣以文學顯三代實錄宇多醍醐朝有嶋田房

年良行相踵為外記官類聚符

小子部氏有宿禰姓貫于左京有連姓貫于

和泉錄姓氏神八井耳苗裔螺羸仕雄畧帝帝

嘗詔后妃親桑乃命螺羸聚蠶兒螺羸誤聚

嬰兒獻之帝大笑曰汝宜自養因賜姓小子

部連日本書紀天武帝稱兵尾張國司小子

部連鉏鉤率衆二萬歸之後自殺于山中十

二年小子部連賜宿禰日本書紀嵯峨帝時武藏

人正六位下小子宿禰身成改貫左京日本書紀

仁明帝時從五位下小子連諸主為典縫日本書紀

本後醍醐帝時有雅樂助小子百雄吏部王記

縣氏多朝臣同祖仁明帝時右京人勘解由

主典縣主前利連氏益賜姓縣連續日本紀堀

河帝時有縣信久守貞朝野羣載益是族也

科野國造神八井耳裔孫建五百建命崇神

北野本姓

帝時為國造舊事一本紀○本蓋數世孫也、建

見其裔有金刺舍人他田舍人二氏他田舍人

葉集○按二氏蓋以國造之族、給事欽明以敏

達二朝為舍人、因氏焉者、故二氏至大化以敏

後、猶稱國造也、光仁帝時、信濃水內郡人女

孺外從五位下金刺舍人若嶋等八人、賜連

姓、補○按拾芥、鈔、有金刺宿、其族又有居駿河

者、孝謙帝時、有益頭郡人金刺舍人麻自、續

紀本同時有信濃少縣郡人國造他田舍人大

島、供防人役、時、萬葉集○按續日本紀、元明帝

或自賣、直姓、亦桓武帝時、駿河駿河郡大領金

刺舍人廣名為國造、續日清和帝時、有他田

舍人藤雄、任少縣郡權少領、三代國造之胤

在本國者、曰造祝、稱上原氏、初曰世為諏訪

下社神官、造祝金刺氏之後、亦為下社大祝、

東鑑、大祝部金刺盛、久有歌名、作者其族有

諏訪、上泉、手塚諸氏、作者部類、東鑑、源平盛

關東、古諏訪郡人、金刺光盛、稱手塚太郎、隸

源義仲、以武勇著、源平盛

源義仲、以武勇著、源平盛

印波國造作波神八井耳八世孫伊都許

利命應神帝時為國造作波

伊余國造志貴多奈彥子速後上命成務帝

時為國造舊事本紀

仲國造神八井耳遠孫建借馬命作馬或崇

神帝時受詔征東國誅賊魁夜尺斯等成務

帝時為國造舊事本紀參取常陸風土記

見前據此國造之族又有仲臣姓也

茨田氏尾張部氏豐島氏下家氏松浦氏江

氏皆神武皇子彥八井耳命之後也按錄以

彥八井耳為神八井耳子故茨田以下諸氏皆係之神武皇子而姓氏錄諸氏係

茨田氏有宿禰姓貫于河內有連姓貫于右

京及山城錄姓氏彥八井耳遠孫衫子姓衫子

本作莒呂母能古一仁德帝時造茨田堤有功

因以為氏日本書紀參其裔茨田連小望有

女為繼體帝妃天武帝十二年茨田連賜宿

禰日本書紀文武帝時茨田足島賜連聖武帝時

大日本書紀

外從五位下茨田弓束同姓從八位上牧野

賜宿禰續日清和帝時有右近衛將曹茨田

連真額三代實錄三條帝時有左近衛將監茨田

重方小右皆其後也

尾張部氏貫于河内

豐島氏豐又連姓貫于攝津

下家氏連姓貫于河内

松浦氏浦一作津首姓貫于攝津

江氏首姓首一作人又貫于河内系出彥八井耳

七世孫來目津彥姓氏錄

新田部氏猪使氏竝安寧皇子磯城津彥命

之後也

新田部氏宿禰姓貫于左京姓氏錄齊明帝時

有舍人新田部連米麻呂天武帝十二年新

田部連賜宿禰日本書紀陽成帝時有園池正新

田部宿禰安河三代實錄

猪使氏宿禰姓貫于左京姓氏錄天武帝十二

年猪使連賜宿禰日本書紀又有伊賀須知稻置

那婆理稻置、三野稻置、皆磯城津彥之後也。  
葦井稻置、血沼別、多遲麻竹別、三氏俱懿德  
皇子武石彥奇友背命之後也。古事記○本  
書作多藝志  
比古命、今從  
日本書紀

大春日氏、和邇部氏、邇宗氏、壹志氏、粟田氏、  
山上氏、柿下氏、大宅氏、飯高氏、武射氏、根氏、  
村氏、度守氏、壬生氏、葦占氏、大坂氏、多紀氏、  
知多氏、都努山氏、羽束氏、葉栗氏、丈部氏、吉  
田氏、真野氏、安那氏、額田氏、野中氏、久米氏、

小野氏、櫛井氏、布留氏、物部氏、櫛代氏、井代  
氏、津門氏、近淡海國造、俱孝昭皇子天足彥  
國押人命之後也。

大春日氏、朝臣姓、貫于左京。姓錄氏又有春日  
朝臣姓、有春日臣姓、有春日倉首姓、有春日  
部。續日本紀、春日臣春  
日部、據續日本後紀天足彥國押人裔孫

仲臣命家甚富、委糟為堵、仁德帝臨幸其家、  
因賜號糟垣臣、後改春日。姓錄○糟垣、敏  
春日、訓讀相近  
達帝時、有春日臣仲君女為帝妃、天武帝十

大日本書紀

卷

三

三

二年大春日臣賜朝臣日本書紀云按姓氏

年春日為大春日也然本書已書大春日其說

不合附考文武帝時敕僧辨紀還俗賜姓春日

倉首名老稱德帝時左京人從七位下春日

藏毗登常麻呂等二十餘人賜春日朝臣續

本仁明帝時越前丹生郡人大學助教春日

部雄繼等賜春日臣除邊籍貫附左京續後日

紀文德帝時雄繼為大學博士賜大春日朝

臣文德實錄清和帝時左京人參河介壹志宿禰

吉野改賜大春日朝臣三代實錄朱雀帝時有曆

博士大春日朝臣弘範華山帝時有左大史

大春日良辰一條帝時有少外記大春日仲

明外記日記○按三代實錄清和帝時有上

日連二族並不詳流派附族後考

和邇部氏一作九部邇有朝臣姓有宿禰

姓有臣姓並貫于左京又有無姓者貫于左

右京及山城攝津朝臣系出彥國押人子彥

姥津命三世孫難波宿禰宿禰系出彥姥津



四世孫矢田宿禰臣系出彥姥津五世孫米  
 餅搗大使主命無姓者左京系出彥姥津子  
 伊富都久命右京出彥國押人三世孫彥國  
 葺命山城出米餅搗大使主搗姓氏錄○米餅  
 宿禰雄畧帝時有春日和珥臣深目即是族也  
 壬申之亂和珥部臣君手從天武帝有功日本  
 紀書稱德帝時左京人甲斐員外目丸部臣宗  
 人等賜宿禰從六位下和邇部臣男綱等賜  
 朝臣續日本紀仁明帝時丹波人右近衛將曹和

邇臣龍人改貫左京同時有讚岐三野郡人  
 丸部臣明麻呂為本郡大領以孝著續日本  
 清和帝時左京人雅樂少允和邇部大田麻  
 呂賜宿禰陽成帝時因幡法美郡人左大史  
 丸部臣百世移貫于右京三代實錄醍醐帝時有  
 近江史生丸部安澤類聚符一條帝時有阿  
 波大目丸部宿禰秋時除目大後嵯峨帝時  
 有右近衛少監和爾部忠棟平戶記○按天  
 真姓丸部連相模人除目大成鈔一條帝時  
 有但馬大目丸部首直高連首二姓蓋亦同

族也、姑附于此、

邇宗氏、出自和邇部臣、清和帝時、播磨飾磨

郡人播磨博士和邇部臣宅嗣、同姓播磨權

醫師宅貞等、改賜姓邇宗宿禰三代實錄

壹師氏師、一作市、志、有君姓、古事記有宿禰姓文

實錄、三代實錄、垂仁帝時、有阿佐賀國市師縣主祖

建皆古命大、神宮儀式、疑其祖也、聖武帝時、

有壹師君族古麻呂、授外從五位下續日本紀醍

醐帝時、有勘解由判官壹志作範類聚符、朱

雀帝時、有女史壹志宿禰篤子外記一條帝

時、有上野大掾壹師公倫明除目大成鈔

粟田氏、朝臣姓、貫于右京及山城、系出彥國

葺姓、氏錄或稱春日粟田臣、天武帝時、有粟田

臣真人最著、十二年粟田臣賜朝臣日本書紀廢

帝時、內藥佑粟田臣道麻呂賜朝臣、稱德帝

時、近江坂田郡人粟田臣乙瀨、左京人從八

位上粟田臣弟麻呂等、並賜朝臣續日本紀堀河

帝時、有掃部少屬粟田久倫外記其後有粟

田朝臣久盛、事吉野行宮、

新葉和歌集

山上氏、○上或有朝臣姓、有臣姓、朝臣貫于

右京、續日本紀、姓神龜、天平間、有筑前守山

上臣憶良、以和歌著、萬葉集稱德帝時、右京人

從五位上、山上臣船主等十人、賜朝臣、續日本紀

柿下氏、○下或朝臣姓、貫于大和、敏達帝時、

以宅邊有柿樹、因為氏、錄天武帝十二年、

柿本臣賜朝臣、日本書紀持統文武間、有歌聖柿

本朝臣人麻呂、萬葉集、古今和歌集序醍醐帝時、有肥

後權少目柿下朝臣利見、除目大成鈔、○按東寺古文書、後鳥

羽帝時、有柿本宿禰某、宿禰不詳所系、姑附于此、

大宅氏、○宅或有朝臣姓、日本書紀有臣姓、錄氏

又有大宅水取朝臣姓、續日本紀臣姓貫于山

城河內、錄反正帝時、有大宅臣祖木事、○姓

氏錄云、米餅搗子、木事命、即是人也、天武帝十二年、大宅臣賜

朝臣、日本書紀元明帝時、大家朝臣豐穗、為大神

宮大官司、二所大神孝謙帝時、有大倭添上

郡大宅鄉戶主大宅朝臣、可是麻呂、東大寺奴婢籍

帳仁明帝時、山城人遣唐史生大宅臣福主、  
 及典藏大允大宅水取臣繼主等、竝賜朝臣、  
 繼主先亦出自木事、續日本後紀○木事、光  
 木書作八腹木事命、  
 孝帝時、有左京人大宅朝臣宗長、三代實錄後一  
 條帝時、有正六位上大宅朝臣守光、朝野羣載  
 羽帝時、有淡路大掾大宅朝臣守友、正六位  
 上大宅朝臣守久、除目大成鈔  
 伊勢飯高氏、古事記有朝臣姓、有宿禰姓、有公  
 姓、續日本紀、朝臣後紀、初曰飯高縣造、垂仁帝時、

有飯高縣造乙加豆知命、大神宮儀式、即其  
 帳、倭姬世記、  
 祖也、聖武帝時、有伊勢飯高郡采女飯高君  
 笠目、○又作諸高以廉謹貞潔見稱、朝廷錄其族  
 縣造等、皆賜姓飯高君、稱德帝時、飯高郡人  
 正八位上飯高公家繼等、賜宿禰、光仁帝時、  
 正六位上飯高公若舍人、及同姓右衛士府  
 生大人、左兵衛府生諸丸等、竝賜宿禰、續日本紀  
 仁明帝時、左京人外從五位下飯高宿禰全  
 雄、弟高等五家、及伊勢人遠江介飯高公常、

比麻呂、弟五百繼、甲斐目飯高宿、彌濱永等

二十餘人、皆賜朝臣、貫附左京、續日本清和後紀

帝時、外從五位下飯高朝臣、負宗、改賜內階、

越前敦賀郡人、右大史伊部造豐持、改賜飯

高朝臣、貫于左京、伊部造亦同族也、三代實錄

條帝時、有大炊少屬飯高舉用、外記

武射氏、射○或作作社、邪、有臣姓、古事記有國造、成

務帝時、彥意祁津、故○本書作彥立、入部都郎、誤、

也、姥津孫彥忍人命、為武社國造、舊事本紀稱德帝、

時、陸奧牡鹿郡人、外正八位下春日部奧麻

呂等、賜姓武射臣、續日本紀陽成帝時、有右近衛

將監武射臣助守、三代實錄

根氏、連姓、貫于和泉、姓錄天武帝時、有根連

金身、日本書紀

村氏、公姓、貫于山城、姓錄元明帝時、有大倭

宇太郡人、村君東人、續日本紀○本書元正

諸君鞍男、諸與村訓醍醐帝時、有伊勢權大

目村君當世、除目大

大相續錄 卷六 三十一

度守氏、首姓、貫于山城、

壬生氏、臣姓、貫于河内、

葦占氏、臣姓、貫于和泉、錄姓氏

大坂氏、臣姓、

多紀氏、臣姓、古事記朱雀帝時、有丹波目代多

紀朝臣基影、國老多紀臣某、東寺古文書蓋是族

也、

知多氏、臣姓、

都努山氏、或○作都努臣姓、古事記聖武帝時、有外

從五位下角山君内麻呂、續日本紀清和帝時、有

外從五位下角山公成子、三代實錄疑亦同族也、

羽束氏、首姓、貫于攝津、系出彥姥津、姓氏錄天

武帝十一年、羽束造賜連姓、疑亦同族也、日本

書紀

葉栗氏、○葉作羽又臣姓、貫于左京、系出彥姥津

三世孫建安命、又有無姓者、貫于山城、系出

彥國葦、錄姓氏天武帝時、有尾張葉栗郡人小

乙下葉栗臣大麻呂、建本郡光明寺、塵光任

大相續錄

帝時、山背乙訓郡人、外從五位下、羽粟翼賜

臣姓、續日本紀日、文德帝時、有從五位下羽粟臣乙

貞、文德實錄

大部氏、貫于左京、系出彥姥津、系出

吉田氏、貫于左京、有宿禰姓、有連姓、系出彥

國葦、崇神帝時、任那以國內屬、請將軍鎮其

地、帝乃命彥國葦孫鹽乘、○一作垂津彥往鎮治

焉、彼俗謂宰為吉、子孫因為吉氏、姓氏鹽乘

津彥八世孫達率吉大尚、少尚兄弟、有懷土

心、相踵歸朝、大尚世傳醫術、兼通文藝、天智

帝授小山上、大尚世傳以下、子孫居寧樂田

村里、文武帝時、命僧惠俊還俗、賜姓名吉宜、

授務廣肆、聖武帝時、取其原姓與地名、賜從

五位上吉宜、及從五位下吉智首姓、吉田連、

續日本後紀、參取姓氏錄、吉宜吉智首據續

日本紀、○姓氏錄云、鹽乘津彥男從五位下

知須居田村里、知須智首、國音、嗟峨帝時、右

相通、益非別人、本書恐有闕誤、京人正六位上吉田連、宮麻呂等、改賜宿禰

日本紀其族有興世氏、仁明帝時、右京人左京

新羅本姓

亮吉田宿禰書主同姓越中介高世等改賜

姓興世朝臣續日本後紀○文德實錄云書

誤主本姓吉田連其先出自百濟

真野氏貫于右京錄有宿禰姓三代實錄有臣

姓系出彥國葺彥國葺生大口納命大口納

生難波宿禰難波宿禰生大矢田宿禰從神

功皇后征新羅為鎮守將軍留戍其地娶國

王猶榻女生二子佐久命武義命佐久九世

孫和珥部臣烏務大肆忍勝等居近江滋賀

郡真野村因為氏錄清和帝時右京人主

計少允真野臣永德及同姓道緒等竝賜宿

禰大和山邊郡人上野權少掾民首廣門同

姓右京人太宰醫師方宗無位方永等改賜

真野臣三代實錄

安那氏○或作穴有臣姓古事記有公姓錄有國

造彥國葺孫八千足尼景行帝時為穴國造

舊事本紀公姓貫于右京亦出自彥國葺錄光

仁帝時有采女正七位上安那公御室及備

六御本姓



後葦田郡屋穴國鄉人穴君弟君續日本紀

記、清和帝時、有備後人安那君吉賣三代實錄

額田氏、有宿禰姓類聚國史、有國造、彥國葦孫夫

直侶、字命成、務帝時、為額田國造舊事本紀、○本書彥

國葦、作、嵯峨帝時、有外從五位下國造額田

宿禰、今足類聚國史、蓋其後也、

野中氏、貫于右京、出彥國葦、

久米氏、臣姓、貫于大和、系出彥國押人五世

孫大難波命、○大難波、蓋難波宿禰也、

小野氏、有朝臣姓、貫于左京及山城、系出米

餅搗大使主、有臣姓、貫于山城、系出彥國押

人七世孫人華命姓氏錄、雄略帝時、有春日小

野臣大樹日本書紀、即是族也、敏達帝時、大德小

野臣妹子、家于近江滋賀郡小野村、因氏焉

姓氏錄、○按日本書紀、雄畧朝、有春日小野

臣見上、則非妹子始居小野村、唯其稱小野

氏、或始于妹、子也、據續日本後紀、承和四、天

武帝十二年、小野臣賜朝臣日本書紀、其族世顯

于朝日本書紀、仁明帝時、小野朝臣篁以文

學知名、初小野氏祖神社在滋賀郡、春秋二  
 祀、朝廷特聽小野氏不須官符詣其社、至是  
 敕大春日、布留栗田三氏五位已上、亦準小  
 野氏聽之、續日本後紀陽成帝時、山城愛宕郡小  
 野鄉人勘解由次官小野朝臣當岑、改貫左  
 京、三代實錄篁七世孫隆泰、一作孝泰為武藏守、  
 生義隆、義隆始居相摸橫山邑、生資隆、時資、  
 時資稱猪股氏、支屬自是蕃衍、曰橫山黨、曰  
 猪股黨、所謂武藏七黨者也、橫山黨有擇田、

海老名、藍原、平子、野部、山崎、鳴瀨、古郡、小倉、  
 大貫、葛生、○葛一作菅糟屋、由木、室伏、大串、千與  
 宇、伊平、○伊一作惟檉生、古市、田谷、八國府、山口、  
 愛甲、小子、平山、石川、古澤、小野、古莊、中村、田  
 名、小澤、小股等族、猪股黨有荏原、河勾、太田、  
 人見、甘糟、藤田、山崎、岡部、内島、蓮沼、男衾、井  
 沼、橫瀨、野部、木里、瓦園、○瓦一作尾無動寺、友莊、  
 木戶、瀧瀨、早内、野内、幕土、飯塚等族、建武中、  
 幕土助國、飯塚能尚、竝屬新田義貞、所謂十

六騎之一也

小野系圖、佐野系圖、武藏系圖、○按小野系圖、謂

其先出自敏達皇子春日王者誤

櫛井氏

○又作壹比

貫于左京、有朝臣姓、有臣姓、

系出米餅搗大使主

姓氏錄、朝臣、據日本書紀

天武帝十

二年、櫛井臣賜朝臣

日本書紀

清和帝時、有僧相

應近江淺井郡人櫛井氏、即是族也

帝王編年記

匠畧

朱雀帝時、有右馬少屬櫛井直幹、外記

一條帝時、有主計助櫛井恒清

吏部王記

布留氏、宿禰姓、貫于大和、系出米餅搗大使

主、米餅搗生木事命、木事生市川臣、仁德帝

嘗詣布都努斯神社、置市川臣於石上布瑠

高庭、以為神主、其裔孫武藏臣

○武藏與武射、國音相通

本族有武射臣、即是、而本書失其名也

齊明帝時、有故稱物部

首、又神主首、竟失臣姓、天武帝時、正五位上

物部首日向、因社地名、改姓布留連、十二年

改連賜宿禰

姓氏錄、天武以下參取日本書紀、○按姓氏錄本條有訛謬語

大意隱晦、不、明、待、後、考、其、清和帝時、有內藏少

允布瑠宿禰今道

三代實錄、今集目錄

古朱雀帝時、有

土佐守布留宿禰有平類聚符村上帝時有

防鴨河使判官布留千道宣鈔中野宮年行事

物部氏有公姓續日本書紀有首姓錄公系

出建安命村姓氏錄參取安一作野山名首姓貫于

攝津系出米餅搗又有無姓者貫于攝津河

內和泉皆與首同祖有網部物部納網一作

貫于和泉布留宿禰同祖錄姓氏垂仁帝時有

春日臣族市河臣掌石上神寶是為物部首

祖○按東大寺古文書及正倉院文書文武帝時有豐前上三毛郡人物部首古志賣

聖武帝時有出雲人物部首石足村上帝時

有丹波擬大領右近衛物部首首惟範及同族

任檢校主帳者疑皆是族也然姓氏錄景行

物部首有二流實難分明故附于此

帝時有物部君祖夏華日本書紀聖武帝時有上

野人物部君千足上野金井澤稱德帝時上

野甘樂郡人外少初位下磯部牛麻呂等賜

姓物部公續日本紀○按神龜碑有鍛師磯

集甘樂郡有貫前神社磯部氏世掌其祀蓋是族也附以備考

櫛代氏造姓貫于和泉布留宿禰同祖聖武

帝時有釧直諸人○聖武以下東寺文書疑是

族也

井代氏臣姓貫于攝津米餅搗大使主裔孫

有居大和添上郡井手村者因氏焉訓讀相

通

津門氏首姓貫于攝津出自米餅搗錄姓氏

近淡海國造古事記醍醐帝時有近江人右衛

門府生國造恒世朝野羣載或其裔也

高生氏孝昭帝之後也仁明帝時近江人彈

正大弼島朝臣真行鳥朝賜姓高生朝

臣續日本後紀○按高生氏疑彥國押人

高志利波氏利或臣姓孝靈皇子日子刺

肩別命之後也古事記聖武帝時有越中人礪

波臣志留志為越中員外介續日本紀

葦北氏國前氏竝孝靈皇子彥五十狹芹彥

命之後也

葦北氏北又有君姓日本書紀有國造五十狹

芹彥一名吉子三井根子命景行帝時為

葦北國造舊事本紀敏達帝時有國造阿利斯登



賜姓笠朝臣、陽成帝時、右京人外從五位下

宇自可臣秋田等、亦賜笠朝臣。三代實錄笠朝臣

又有出稚武彥者、見下。上帝時、有中宮戶座

笠宿禰犬丸、不詳何族、故附于此。

海氏直姓、舊事本紀仁德帝時、有吉備海部直黑

日賣、古事記雄略帝時、有吉備海部直赤尾、敏

達帝時、有吉備海部直難波及羽島、日本書紀蓋

是族也。稱○按吉備疑出海部直、實不詳所系、據其

武彥之後、有海直、豈以兄弟之故、彼此相錯、猶下

文角鹿國造、本紀係稚武彥之後、而古事記以角鹿海直為日子刺肩別之後、歟、今姑據

本紀揭書于此。

笠氏、三尾氏、廬原氏、印南野氏、真髮部氏、角

鹿氏、吉備氏、下道氏、上道氏、賀陽氏、三野氏、

苑氏、皆孝靈皇子稚武彥命之後也。

笠氏、出自稚武彥孫鴨別命、有朝臣姓、有臣

姓、竝貫于右京、姓錄○按日本書紀、鴨別

字、說見吉備氏條、又有國造、舊事本紀鴨別事、應神帝、帝

巡幸吉備、登加佐米山、乍有飄風墜御笠、帝

異之鴨別曰、是山神欲獻土物耳、因獵大獲、

帝悅、賜名賀佐、錄姓氏封以吉備波區藝縣、是

為笠臣祖、日本書紀鴨別八世孫笠三枚臣、為笠

國造、舊事本紀天武帝十二年、笠臣賜朝臣、日本書紀

元明帝時、笠朝臣麻呂為美濃守、以開吉蘇

山道、賜封七十戶、田六町、稱德帝時、山背宇

治郡少領笠臣氣多麻呂賜朝臣、備前人外

少初位下三財部毗登方麻呂等、改賜姓笠

臣、續日本紀仁明帝時、飛驒人三尾臣永主、右京

史生三尾臣息長等、賜笠朝臣貫附右京、日本書紀

本後紀清和帝時、安藝采女凡直、負刀自賜姓

名笠朝臣宮子、隸左京職、宮子中務少丞、笠

朝臣豐主女、幼而淪落、失父氏、編凡直籍、預

采女之貢、其宗人笠朝臣數道等、證其事、仍

復原籍、觀音寺言、寺奴清貞等、從五位下、笠

朝臣麻呂五世孫也、麻呂天平中、為造寺使、

私寺家女生子、即隨母家為奴、請準格旨、從

良貫附、筑後竹野郡、許之、陽成帝時、左京人



左大史印南野臣宗雄言其先出自吉備武  
 彥二子御友別武彥三子鴨別實為笠氏祖  
 兄弟子孫宜賜同姓乃敕賜宗雄等五人姓  
 笠朝臣三代實錄一條帝時有少內記笠吉仲左  
 馬屬笠為政後冷泉帝時有主稅權允笠教  
 良近衛帝時有主計少屬笠國政外記蓋皆  
 是族也○按笠氏有二流即吉仲以下實不  
 知何族然本氏出自鴨別者尤著故  
 序于其居若狹者自元正帝時世為若狹彥  
 神社社務後世稱牟久氏常陸增井正宗寺  
 文書笠氏系圖

圓融帝時有右大史牟久忠陳類聚符  
 宣鈔蓋其  
 族也

三尾氏臣姓貫于飛驒笠朝臣同祖續日本  
 後紀

廬原氏○又作五百原系出稚武彥孫吉備武彥有  
 朝臣姓有公姓有國造公姓貫于右京姓氏  
 錄

臣據續日本本紀後紀景行帝時吉備武彥從日  
 國造舊事本紀抵阿倍廬原復命之日詔  
 本武尊東征日本書紀

賜廬原地姓氏錄其子意加部彥命成務帝時  
 為國造舊事本紀仁明帝時右京人遣唐譯語廬

原公有子及兄柏守等賜朝臣續日本後記

以五百原君為日子刺肩別之從與此不合今姑從姓氏錄舊事本紀

印南野氏臣姓系出吉備武彥稱德帝時播

磨守日下宿禰子麻呂言部下賀古郡人外

從七位下馬養造人上款曰人上之先出吉

備武彥本姓上道臣仁德帝時上道臣息長

借鎌始居賀古郡印南野六世孫牟射志善

養馬事上宮太子為馬司是以庚午年籍注

馬養造請因居地改賜姓印南野臣國司覆

審所言有實乃許之續日本紀○本書吉備

記以上道臣為吉備津彥後亦同此說然宗雄自言吉備武彥後據此本書恐誤故訂之

真髮部氏初曰白髮部續日本紀貫于右京系出

吉備武彥錄姓氏桓武朝以嫌于光仁帝諱改

為真髮部續日本紀陽成帝時有備中窪屋郡人

真髮部成道實錄代或是族也

角鹿氏敦賀又作有直姓續日本紀有國造稚武彥

孫建功狹日命成務帝時為國造舊事本紀稱德

帝時有敦賀直島麻呂授外從五位下續日本紀

大日本林史 卷九

淳和帝時有角鹿直福貴子賜越前正稅稻

五百束國史類聚清和帝時有角鹿直真福子授

外從五位下三代實錄蓋皆國造之後也○按古

角鹿海直蓋與此一姓然以為日子刺肩別

之後其說不合豈以兄弟故致誤乎附待後

考後嵯峨帝時有民部丞角鹿實直平戶後

村上帝時有但馬權守角鹿辰氏園太

吉備氏出自吉備武彥子御友別命有朝臣

姓貫于左京有臣姓貫于右京武彥子據三

代實錄○按姓氏錄作推武彥孫御友別而

下道朝臣條云稚武彥孫吉備武彥據日本

書紀吉備武彥從日本武尊東征實在景行

朝而御友別事應神帝自景行至應神既歷

四世即御友別蓋吉備武彥子若孫非稚聖

武帝時下道臣真備及下道臣乙吉備真事

廣等竝賜姓吉備朝臣續日本紀真備後為右大

臣兼備中下道郡大領本朝同時有出雲神

門郡人吉備部臣子人東大寺正稱德帝時

河內志紀郡人岡田毗登稻城改賜吉備臣

續日本紀下道氏系出御友別有朝臣姓有臣姓有國

造日本書紀朝臣貫于左京錄姓氏應神帝幸吉備

御友別侍奉甚謹帝悅為割吉備封其子弟

長子稻速別下道國造即下道臣祖中子仲

彥加夜國造為上道臣祖季子弟彥三野國

造為三野臣祖按日本書紀稻速別為兄彥命一

名初稚武彥從其兄五十狹芹彥綏撫吉備

子孫多居其地至是其族益滋古事記日及

雄畧帝時下道臣前津屋有罪伏誅其族七

十人并誅天武帝十二年下道臣賜朝臣日本

書紀聖武帝時有下道朝臣人主任賀陽郡大

領仙覺萬葉鈔引孝謙帝時下道臣色夫多

賜朝臣續日本紀

上道氏仲彥子多佐臣為上道國造舊事本紀即

上道臣祖也雄畧帝時以上道臣田狹為任

那國司其妻入宮生星川王及帝崩星川作

亂上道臣族帥戰艦四十艘援之已而星川

事敗焚死清寧帝讓責上道臣等奪其所領

山部日本書紀孝謙帝時備前國造上道正道及

上道臣斐太都、竝賜朝臣、斐太都尋為吉備

國造、續日本紀朱雀帝時、有左近衛將監上道守

代、外記後世其族有為加賀白山神主者、山

記、歷名

賀陽氏、○賀陽又即加夜國造之裔、有朝臣

姓、有臣姓、稱德帝時、備中賀陽郡人外從五

位下賀陽臣小玉女等十餘人、賜朝臣、續日本紀

清和帝時、賀陽郡人左大史賀陽朝臣宗成、

同姓備中權博士真宗等、改隸左京職、三代實錄

宇多帝時、有賀陽郡大領賀陽豐仲、弟統領

豐蔭、吉備津宮禰宜豐恆、扶桑略記後鳥羽帝時、

有周防在廳官賀陽宿禰重俊、弘方、東鑑蓋是

族後改姓也、

三野氏、臣姓、日本書紀桓武帝時、有三野臣廣主、

淨日女、續日本紀

苑氏、直姓、應神帝時、封御友別兄浦凝別於

吉備苑縣、是為苑直之祖、日本書紀又有臣姓、蓋

同族也、持統帝時、有園臣生羽女、萬葉集聖武

大日本史卷之二

帝時、園臣五百國為備中、賀夜郡少領、備前風土

記村上、帝時、有宮内少錄、園臣五種、類聚符

據除目、或其裔也、宣鈔、臣

大

成鈔

或其裔也

備前風土

類聚符

宣鈔、臣

大日本史卷之二



宣鈔、臣

